

待法勇王經

百五十七  
山豆六

48354




元祿九年丙子二月日重修

皇圖聖圖 帝潛銀昌

佛日增輝 轉輪常轉

山城州天安寺法金剛院置



諸法勇王經

六

宋罽賓三藏法師曇摩蜜多譯



山立

如是我聞一時佛在王舍城迦蘭陀竹林與  
大比丘僧千二百五十人俱其先悉是結駘  
梵志優樓頻螺迦葉優婆崛舍憍律陀等而  
爲上首一切皆是入阿羅漢諸漏已盡無復  
煩惱心得解脫慧得解脫其心調柔自在無  
礙摩訶那伽所作已辦離於重擔速得已利  
盡諸有結得正解脫通達諸法到於彼岸惟  
除一人尊者阿難爾時世尊於十五日說禁  
戒時在顯露處結跏趺坐大衆圍遶恭敬尊  
重是時會中有一比丘出家未久便受具戒

即於其日來至佛所頂禮佛足右遶三匝合  
掌瞻仰而白佛言世尊我於今日出家未久  
已受具戒於出家事遺疑未了惟願如來哀  
愍解說云何比丘受人信施無有愚癡既受  
施已云何復得畢報施恩若善男子有生淨  
信發心出家所期之法云何復得具足成就  
即於佛前重說偈言

我出家未久

已受具足戒

於此事未了

惟願哀愍說

云何受信施

畢竟清淨報

信心出家已

具足諸所願

今時如來告比丘言若有比丘成就三法受  
諸信施無有愚癡受已則能清淨畢報諸善

男子信心出家所願之法悉得具足何等爲  
三一者入於僧數二者勤修僧業三者得僧  
善利比丘若能成就如是三法受人信施無  
有愚癡受已則能清淨畢報信心出家所願  
具足尔時世尊欲重宣此義而說偈言

若有入僧數

僧業中勤進

獲得僧善利

與心而相應

如是之人等

畢能報信施

出家所願法

而悉得具足

尔時比丘復白佛言世尊如來今者略說此  
義我猶未解惟願世尊重垂廣說云何比丘  
入於僧數云何比丘勤修僧業云何比丘獲  
僧善利復於佛前而說偈言

六何入僧數

僧業中勤進

獲得僧善利

惟垂分別說

今時世尊讚是比丘善哉善哉能問斯義諦  
聽諦聽善思念之當為汝說僧數僧業及僧  
善利是時比丘即蒙許可渴仰欲聞佛告比  
丘四向四得是名為僧常為世間之所稱讚  
世人八部合掌恭敬天人之中無上福田爾  
時世尊欲重宣此義而說偈言

我今說四向

及以四得等

是名為眾僧

無上之福田

復次比丘云何僧業四念處四正勤四如意  
足五根五力七覺分八聖道分是名僧業

時世尊復說偈言

常勤行精進

最勝入聖道

如是則得入

如上四雙僧

復次比丘云何名為僧善利也所謂四沙門  
果何等為四須陀洹果斯陀含果阿那含果  
阿羅漢果是名僧利今時世尊復說偈言

大士之善利

是則入僧數

具四沙門果

則能畢報恩

今時比丘聞是語已即作是言如佛所說若  
有比丘入於僧數勤修僧業獲僧善利如是  
之人乃能堪受一切信施無有愚癡受已畢  
能報其施恩信心出家所願具足世尊若有

善男子發大乘心求一切智淨信出家如是  
之人得在僧數勤修僧業得僧利不佛言比  
丘善哉善哉汝有大智能作如是微妙善問  
汝今以為多所利益安樂天人能問如來如  
是深義復告比丘善持憶念諦聽諦聽善思  
念之當為汝說比丘白佛唯然世尊願樂欲  
聞惟願如來分別善說佛言比丘若有諸人  
發大乘心修行大乘求一切智信心捨家如  
是之人不入僧數不修僧業不得僧利亦時  
世尊復說偈言

不入於僧數 不勤修僧業 不得僧善利  
是修於菩提



尔時比丘復白佛言世尊如來何緣聽如是  
人出家受具受人信施世尊如是之人不  
入僧數不勤僧業不得僧利云何而得畢報  
施恩佛言比丘汝今不應問如是事比丘復  
言若如是人不入僧數不勤僧業不得僧利  
云何而得畢報施恩佛言止止不復須問如  
第一請第二第三亦復如是佛告比丘汝已  
三請豈得不說宣是語已以神通力放於眉  
間白毫相光其明焰熾有百千色悉照三千  
大千世界幽闇黑冥未曾覩見諸色之處悉  
令大明諸大海水其中衆生所謂魚鼈走獸  
摩羅龍王龍女諸阿修羅阿修羅女諸迦樓

羅迦樓羅女如是等衆悉蒙其光心驚毛豎  
惟未曾有其光亦照四天王忉利天焰摩天  
兜率天化樂天他化自在天梵天梵衆天梵  
輔天大梵天光天光音天少光天無量光天  
淨天少淨天徧淨天無量淨天果實天少果  
天廣果天無量果天無想天無惱天無熱天  
善見天妙見天阿迦膩吒天是眉間毫相悉  
皆徧照乃至三千大千世界亦復如是從四  
天王乃至阿迦膩吒諸天莫不大明如是諸  
天見如來光神通變化已各來佛所恭敬供  
養尊重讚歎頂禮佛足却在一面合掌而坐  
爾時復有無量比丘遊行諸國遇斯光已皆

悉集來至於佛所恭敬供養尊重讚歎頂禮  
佛足却在一面合掌而住。爾時比丘比丘尼  
優婆塞優婆夷皆見如是變化神通見已於  
佛生清淨信至佛所恭敬供養尊重讚歎頂  
禮佛足却坐一面合掌而住。乃至三千大千  
世界天龍鬼神。乾闥婆阿修羅迦樓羅緊那  
羅摩睺羅伽人及非人。如是大眾悉見如來  
神通變化。各各來到佛世尊所恭敬供養尊  
重讚歎頂禮佛足却坐一面合掌而住。爾時  
大德舍利弗即從座起。偏袒右臂右膝著地  
合掌向佛而白。佛言。世尊。今日無量比丘比  
丘尼優婆塞優婆夷一切大眾悉共聚集并

及諸天龍神輒闍婆阿修羅迦樓羅緊那羅  
摩睺羅伽人非人等從四天王乃至阿迦膩  
吒諸天悉皆和合端坐佛前如來何緣放此  
眉間白毫相光惟願哀愍說其因緣今時舍  
利弗即於佛前而說偈言

多有諸衆生

其數那由他

見是大神變

悉能來聚集

何緣放光明

集是諸大衆

惟願垂哀愍

分別說其因

今時佛告舍利弗是一比丘出家未久已受  
具戒來問我言世尊若有人發大乘之心求  
一切智剃除鬚髮出家修道云何善受一切  
信施受已必能報其施福若善男子發於信

心出家學道所願不久悉得成就舍利弗以是因緣有如是等無量大衆而來聚集舍利弗言今正是時惟願如來分別演說如是之義佛告舍利弗我今若說如是義者多有無量百千衆生心生疑惑何以故是諸天龍神通道力不可思議是諸師子無所畏吼亦不可思議是諸大人所有法界亦不可思議舍利弗諸佛世尊所有法界不可思議一切凡夫聲聞緣覺不能信解舍利弗如來見是諸因緣故默然不說時舍利弗乃至三請如來默然亦不許可時舍利弗復白佛言世尊是大衆中已有無量無邊比丘比丘尼優婆塞

優婆夷諸天龍神乳闍婆阿修羅迦樓羅緊  
那羅摩睺羅伽人非人等久於佛所心生淨  
信惟願如來哀愍如是諸衆生等分別演說  
如是之義復於佛前而說偈言

善哉無上尊

惟願垂哀愍

廣爲諸菩薩

善說頂功德

有諸衆生等

深願求菩薩

已於是法中

生厚善欲心

尔時佛告舍利弗菩薩摩訶薩應受一切諸  
天世人阿脩羅迦樓羅緊那羅摩睺羅伽人  
非人等恭敬供養舍利弗菩薩摩訶薩不畢  
報施恩何以故舍利弗菩薩摩訶薩本已清  
淨畢報施故舍利弗假使菩薩摩訶薩日日

受取一切衆生所施衣食一一衆生所施之  
食搏如須弥一一衣服覆四天下一日之中  
受一切衆生如是衣食亦能清淨畢報施  
恩何以故舍利弗是諸菩薩於衆生中最是  
福田應受世間之供養者舍利弗汝見世間  
大富之人多有珍寶金銀瑠璃頗梨真珠碑  
磔碼碯種種之物柔輦敷具所謂刹利大姓  
婆羅門大姓居士大家粟散小王轉輪聖帝七  
寶成就人中自在若四天王三十三天釋提  
桓因焰摩天子化樂天子他化自在天子梵  
自在天王及餘色無色界諸天若須陀洹果  
斯陀含果阿那含果阿羅漢果辟支佛果若

阿耨多羅三藐三菩提舍利弗如是等衆生  
由菩薩教化因緣出現於世何以故舍利弗  
菩薩摩訶薩發心行於菩提之道次得作佛  
成阿耨多羅三藐三菩提成已復當轉於法  
輪一切世間若沙門婆羅門及梵天王魔王  
波旬所不能轉亦時當有無量衆生聞是法  
已當得須陀洹果斯陀含果阿那含果阿羅  
漢果發緣覺心有發阿耨多羅三藐三菩提  
心聞說布施則勤修行以施因緣生刹利大  
姓婆羅門大姓居士大家若小王家轉輪聖  
帝七寶具足人中自在聞說持戒則便堅持  
以是因緣生四天王天三十三天焰摩天兜術



天化樂天他化自在天聞說四無量心隨順  
修行以是因緣生於色界聞四空定隨順行  
之以是因緣生無色界舍利弗以是義故當  
知皆由菩薩因緣一切善法出現於世舍利  
弗譬如阿耨達多龍王福德力故其他流出  
四大河水東方恒河南方辛頭西方博叉北  
方私陀此四大河流出四方投四大海恒河  
眷屬具五百河入于東海辛頭眷屬具五百  
河入于南海博叉眷屬具五百河入于西海  
私陀眷屬具五百河入于北海舍利弗於意  
云何此四大河流出四方次第入于四大海  
中於此四方爲能利益諸衆生不舍舍利弗言

世尊實大利益無量衆生所謂飛鳥走獸人  
與非人舍利弗言世尊近此河邊有諸稻麥  
粟豆諸田亦得潤漬如是諸田多獲穀麥復  
能利益無量衆生所謂飛鳥走獸人非人等  
舍利弗於意云何是四大海由何而有舍利  
弗言世尊是四大海皆由四河佛復告舍利  
弗於意云何是四大海於諸衆生有利益不  
舍利弗言如是世尊是海實能利益無量無  
邊衆生謂水陸性水性衆生謂大小魚走獸  
摩羅龜鼈蝦蟇鵝鴈鴛鴦亦爲其餘無量無  
邊水性之屬而作窟穴舍利弗如是大海復  
爲餘衆而作住處所謂諸龍乾闥婆阿修羅

迦樓羅亦出無量無邊珍寶利益一切人非  
人等所謂真珠珂貝璧王珊瑚瑠璃青毗瑠  
璃及出其餘種種珠寶悉為衆生之所受用  
而作利益舍利弗於意云何此四大海由何  
而有舍利弗言世尊是海皆由阿耨達池尔  
時佛讚舍利弗言善哉善哉阿耨達多龍王  
永離三怖何等為三一者金翅鳥二者熱沙  
三者諸龍若行欲時便為虵身阿耨達多龍  
王無如是事舍利弗阿耨達多龍王所居宮  
殿乃是坐禪神通之人所居住處舍利弗若  
有人能住是處者當知是等亦得無惱舍利  
弗白佛言世尊甚為希有阿耨達多龍王宮

殿成就如是上善功德於三怖畏尚無一事  
況當具三若有衆生在此宮殿亦復具得無  
是三事若是神通善思惟仁所住處者是處  
必能出四大河於諸衆生多所利益以是因  
緣四大海水爲諸衆生之所受用而作窟宅  
所謂卵生諸飛鳥等及餘禽獸人與非人也  
尊是阿耨達池成就如是無量功德佛告舍  
利弗譬如阿耨達多龍王永離三怖菩薩亦  
亦永離三怖何等三一地獄怖二畜生怖三  
餓鬼怖舍利弗如因阿耨達池出四大河利  
益無邊無量衆生菩薩亦亦以四攝法攝取  
衆生一者布施二者愛語三者利行四者同

利舍利弗菩薩摩訶薩以四攝法利益衆生  
舍利弗如因阿耨達池出四大海菩薩亦介  
因菩提心出一切智海舍利弗如因大海爲  
諸衆生而作安隱快樂住處舍利弗一切種  
智亦復如是爲三界衆生而作安隱快樂住  
處何等三界欲界色界無色界也舍利弗皆  
由菩薩周旋教化故令三千大千世界所有  
衆生得受安樂何以故舍利弗若有菩薩出  
現於世行菩薩道因修行道則得受記因得  
受記則便得成阿耨多羅三藐三菩提轉于  
法輪一切世間沙門婆羅門及梵天王魔王  
波旬所不能轉衆生聞已則有四衆所謂比

丘比丘丘優婆塞優婆夷是四衆等以是因緣於天人中而受種種微妙快樂及離欲樂舍利弗於意云何如是之法因何而出舍利弗言皆由菩薩因緣而出舍利弗於意云何三界繫法復因誰出舍利弗言亦由菩薩因緣而出佛告舍利弗於意云何於是繫法頗有一法能報菩薩所作恩不舍利弗言無也世尊何以故由於菩薩如是之法出於世故世尊譬如有人多饒珍寶有慈悲心以已庫藏無量珍寶百千億萬那由他物施於貧人如是展轉給二人三人四人五人十人二十人三十四十五十百人百千萬人如是

乃至無量衆生及色非色悉捨一切所有財  
寶給施如是無量衆生亦爲除其怖畏繫縛  
鞭杖呵責諸惡趣等兼復安止於人天樂而  
是衆中有一士夫折破一錢以爲百分以一  
分錢欲報是人所施之恩世尊於意云何是  
大施主於諸衆生多所利益是人方便以一  
分之錢欲報其恩寧得報不不也舍利弗舍  
利弗言菩薩摩訶薩亦復如是如彼富人利  
益一切無量衆生及爲斷滅一切諸惡以一  
分錢而報其恩世尊行大乘者亦復如是以  
如是等無量衆生所受種種隨意快樂欲報  
菩薩發意之恩亦如彼人以一分錢報施主

恩尔時佛讚舍利弗言善哉善哉汝今則爲  
隨順我行舍利弗一切衆生若於百世千世  
萬世百千萬世一一世中盡其形壽捨身皮  
肉骨髓筋脉奉上菩薩尚不能報如是菩薩  
百分千分百千億分乃至筭數所不能知分  
中一分之恩何以故舍利弗我觀一切人天  
大衆及阿脩羅無有能報是菩薩恩惟除善  
男子善女人發阿耨多羅三藐三菩提心何  
以故舍利弗若有善男子善女人發阿耨多  
羅三藐三菩提心則爲一切無量衆生之所  
受用多所利益舍利弗如閻浮提出栴檀樹  
其牙生時能除一切嬰孩男女所有病苦其



葉生時復能療治童男童女所有患苦若樹  
增長枝葉扶踈能陰涼時衆生在中悉能除  
滅一切病苦其華開敷能令人天成就快樂  
其菓熟時有大光明徧照十方若有衆生見  
已生念識其光明即得除斷生老病死及其  
壞時有諸衆生取其樹身終不畏有貧窮之

苦若取枝葉還至家中則無復有飢渴之患  
舍利弗是栴檀樹出現於世常益衆生無有  
不作利益之時從牙生時乃至取其枝葉還  
家常爲利益舍利弗菩薩摩訶薩亦復如是  
初發阿耨多羅三藐三菩提心時以四攝法  
攝取衆生旣發心已其心常緣於三解脫何

等爲三空無相願樹增長者謂無生忍法華  
開敷者謂已成就一切種智菓實熟者謂於  
如來入般涅槃樹破壞者謂涅槃已以神通  
力碎身舍利如葶靡子取其枝葉而還家者  
謂於如來既涅槃已收取舍利起諸塔廟衆  
生入中衰惡消除舍利弗是故當知善男子  
善女人發阿耨多羅三藐三菩提心者有諸  
衆生於中所種一切善根則得畢報何以故  
舍利弗若有善男子善女人發阿耨多羅三  
藐三菩提心則爲欲令行佛種者共相紹繼  
亦欲令彼聲聞緣覺無有斷絕能與一切無  
量衆生人天快樂及離煩惱無漏之樂舍利

弗若有能與一切衆生人天快樂及離煩惱  
無漏之樂如是之人可得說喻明其比不舍  
利弗言不也世尊世尊無有天人沙門婆羅  
門若魔若梵及餘一切無量之衆或於一劫  
百劫千劫百千萬劫乃至無量阿僧祇劫能  
報菩薩發心之恩舍利弗以是故善男子善  
女人欲得無上畢報施恩應發阿耨多羅三  
藐三菩提心舍利弗若善男子善女人欲報  
過去諸佛恩者亦當如是發阿耨多羅三藐  
三菩提心舍利弗若善男子善女人欲報未  
來諸如來恩亦當如是發阿耨多羅三藐三  
菩提心舍利弗若善男子善女人欲報今現

在十方諸佛恩者亦當如是發阿耨多羅三藐三菩提心舍利弗惟有二人能報佛恩何等爲二一者盡漏二者發阿耨多羅三藐三菩提心舍利弗是二種人善能供養諸佛如來善報諸佛所有恩惠尔時世尊欲重宣此義而說偈言

所說二種人

能供養諸佛

所謂阿羅漢

菩薩摩訶薩

是名曰二人

供養諸世尊

而於三界中

更無第三人

若有能平等

觀察一切法

如是等人輩

是則名智者

悉以妙五欲

可愛諸所須

供養是菩薩

猶不報其恩

若供養雜愛

後身阿羅漢

及發無上心 行於菩提者 是則爲第一  
無上之福田 天人及諸梵 各以已所愛  
供養是菩薩 亦不報其恩 如是二種人  
其實無所須 雖得上供養 而心無貪著  
以是因緣故 雖奉不能報 世間諸智者  
若欲供養佛 應發菩提心 修行於忍辱  
若欲作功德 數數無有量 當爲菩提故  
行於無上業 若欲得禪定 修四無量心  
是人應精進 爲於佛智慧 欲得一切樂  
消除諸苦惱 如是諸人等 應於佛法中  
而生厚重欲 畢求無上道 若欲得覩見  
無量諸世尊 應生恭敬心 深求正真道

若欲從一界

至於無量界

應生勤精進

深欲於菩提

欲見過去佛

應生欲精進

爲於菩提故

善順而修學

若欲得疾見

未來世諸佛

亦應爲菩提

至心專修道

若復欲得見

現在諸世尊

亦應於菩提

生於善欲心

當知是等人

最上非凡下

若欲於衆生

普行慈心者

是人勤應進

速求無上道

若欲令衆生

悉除諸苦惱

應學無上智

中間莫廢捨

若欲與衆生

一切諸快樂

智者爲菩提

應發深善欲

若欲滅衆生

無量諸惡趣

智者應攝取

畢竟菩提心

是人之所得

無量諸功德

一切無有人

能說其譬喻

謂發菩提心

欲成無上道

尔時世尊說是偈已大德舍利弗白佛言世  
尊今說此經得幾功德幾所衆生發阿耨多  
羅三藐三菩提心佛告舍利弗汝今不應問  
如是義何以故舍利弗如來若說一切智事  
令多衆生生於疑惑何以故舍利弗諸佛世  
尊有無量戒禪定智慧無邊神力舍利弗於  
意云何如來能說虛空邊際分界限齊可知  
可計可籌量不不也世尊何以故世尊虛空  
邊際無有人能已知今知當知佛告舍利弗  
佛智亦尔聲聞緣覺已不知今不知當不知

何以故舍利弗如來所有無上智慧非諸聲  
聞緣覺境界所行處故舍利弗言是諸衆生  
甚爲希有善能分別無上菩提而能發於阿  
耨多羅三藐三菩提心佛告舍利弗如是如  
是如汝所說是諸衆生甚爲希有善能分別  
無上菩提而能發阿耨多羅三藐三菩提心  
舍利弗於意云何閻浮提中所有水陸空行  
衆生盡得人身若有一人教是諸人令其安  
住五戒十善舍利弗於意云何是人以此因  
緣得福多不甚多世尊是人得福不可以譬  
喻爲比我今當說若善男子善女人教一閻  
浮提所有衆生令其安住五戒十善所得功



德不如有人教誨一人令得信行舍利弗且  
置是事若有善男子善女人教一閻浮提所  
有衆生今得信行不如有人教誨一人令得  
法行舍利弗復置是事若有善男子善女人  
教一閻浮提所有衆生今得法行不如有人  
教誨一人令得八人舍利弗復置是事若有  
善男子善女人教一閻浮提所有衆生今得  
八人不如有人教誨一人令得須陀洹果舍  
利弗復置是事若有善男子善女人教一閻  
浮提所有衆生今得須陀洹果不如有人教  
誨一人令得斯陀含果舍利弗復置是事若  
有善男子善女人教一閻浮提所有衆生得

斯陀含果不如有人教誨一人今得阿那含  
果舍利弗復置是事若有善男子善女人教  
一閻浮提所有衆生得阿那含果不如有人  
教誨一人得阿羅漢果舍利弗復置是事若  
有善男子善女人教一閻浮提所有衆生今  
得阿羅漢果不如有人教誨一人今得緣覺  
舍利弗復置是事若有善男子善女人教一  
閻浮提所有衆生今得緣覺不如有人教誨  
一人今發阿耨多羅三藐三菩提心舍利弗  
復置是事若有善男子善女人教一閻浮提  
所有衆生發菩提心不如有人教誨一人今  
不退轉舍利弗復置是事若有善男子善女

人教一閻浮提所有衆生今得不退轉不如  
有人教誨一人今得無生法忍舍利弗復置  
是事若有善男子善女人教一閻浮提所有  
衆生得無生法忍不如有人勤教一人今得  
速成無上智慧舍利弗復置是事若有善男  
子善女人教一閻浮提所有衆生今得速成  
無上智慧不如有人精勤修習如是經典何  
以故是經能壞一切魔衆能破諸陰不近諸  
界分散諸入滅除煩惱發白淨性除却黑法  
若能以是一切諸法勇王經典爲他衆生廣  
分別說所得功德無量無邊不可稱說舍利  
弗置一閻浮提所有衆生置四天下所有衆

生置小千世界所有衆生置中千世界所有  
衆生置三千大千世界所有衆生舍利弗若  
於東南西北方四維上下如恒河沙等所有  
世界其中衆生若有色若無色有想無想水  
陸虛空卵生胎生濕生化生是諸衆生漸漸  
次第得成人身若有善男子善女人悉教令  
所無量衆生令得安住五戒十善舍利弗於  
意云何是善男子善女人以是因緣得福多  
不舍利弗言甚多世尊是人所得功德不可  
以譬喻爲比舍利弗復置是事若教十方如  
恒河沙世界衆生令得信行法行八人須陀  
洹果斯陀含果阿那含果阿羅漢果辟支佛

道發阿耨多羅三藐三菩提心不退轉無生  
法忍速成無上一切智慧不如有人以是一  
切法勇王經典爲他衆生分別廣說所得功  
德於前勸化衆生功德最爲殊勝最尊無上  
最妙最善最勝無過無有比類無與等者舍  
利弗當知如是無上方便能令菩薩畢定修  
行於菩提道何以故舍利弗若有菩薩聞一  
切法勇王經典聞已即得不退轉於阿耨多  
羅三藐三菩提當知是人能爲衆生而作福  
田無有等等無有比類已得解脫到于彼岸  
清淨調柔寂滅涅槃爲佛真子應受供養是  
爲勇健師子丈夫過出人天是人中龍天中

之天是無所著是不繫縛是無罣礙所作已  
辦成一切業是無量功德成就具足亦時世  
尊欲重宣此義而說偈言

若發菩提心

畢竟到彼岸

如是諸大人

心無有疑惑  
欲得如是福

若施是等人  
當發菩提心

得福報無量  
既發菩提心

所得福德聚  
教無量世界  
乃至轉增上  
其餘更無等  
即是良福田  
若聽是經典

欲稱其少分  
所有諸衆生  
雖作如是教  
惟除解是經  
應受人天供  
即是佛真子

不可得計量  
悉今住五戒  
不如發菩提  
若學是經典  
寂滅善調伏  
亦名勤精進

寂靜到彼岸

是天龍師子

故名爲大人

亦是天中天

衆生之最尊

若有能宣說

如是妙經典

是則得名爲

人中之無上

佛說偈已大德舍利弗白佛言世尊未曾有

也世尊於今一切法勇王經中略說菩薩所

有教誨世尊菩薩摩訶薩雖於無量阿僧祇

劫奉修菩薩所應之行猶難得成無上菩提

世尊而今於此經中說無上道則爲不難世

尊是諸衆生快得善利第一之利世尊若有

衆生得聞是經讀誦通利爲他廣說當知是

人則爲已向阿耨多羅三藐三菩提世尊善

哉善哉是妙經典惟願如來復垂重說何以

哉善哉是妙經典惟願如來復垂重說何以

故如我解佛所說義理若過去諸佛所說經法  
是經於中亦爲最勝若現在十方諸佛所轉  
無上法輪是經於中亦爲殊勝世尊我亦曾  
說無量經典及其文字亦從如來聞無量經  
及其義味未曾得聞如是經典善哉世尊

願哀愍數數廣說如是經典佛告舍利弗如  
是之義如來自知隨有衆生生信解心我於  
今時當爲廣說而攝取之舍利弗如此皆是  
如來所知非是聲聞辟支佛等所能及逮舍  
利弗我今說是微妙經典八萬四千梵天與  
人三十六億欲界諸天未發阿耨多羅三藐



三菩提心者今悉發心三十億諸天得無上  
忍法因地諸天諸龍鬼神無量無數未發阿  
耨多羅三藐三菩提心今悉發心舍利弗我  
見如是利益義故時時廣說如是經典尔時  
會中有無量百千衆生比丘比丘尼優婆塞  
優婆夷合掌長跪瞻仰如來目不曾瞬尔時  
如來熙怡而笑諸佛常法不以無緣而微笑  
也既微笑已從其面門放種種光青黃赤白  
紫頗梨色照于無量無邊世界上至梵天遶  
身三帀從頂而入尔時大德舍利弗即從座  
起偏袒右肩右膝著地長跪合掌白佛言世  
尊諸佛不以無因緣笑世尊今者有何因緣

而微笑也佛告舍利弗汝今見此無量無數  
百千衆生比丘比丘尼優婆塞優婆夷向我  
合掌侍立瞻仰目不瞬不已見世尊佛告舍  
利弗是諸大衆願樂欲聞菩薩所修無上之  
行舍利弗如來隨知一切衆生所念所行是  
故我今當爲說之舍利弗若人不見過去現  
在未來世心是則名爲菩薩之行復次舍利  
弗若復不見諸陰性相不貪諸界不著諸入  
舍利弗是名菩薩所行之法是則如來正覺  
所說是菩薩所行法已三千大千佛之世界  
六種震動卽時波旬及其眷屬處在魔宮驚  
怖戰慄尋卽落地各於佛前而說偈言

我及眷屬等

今者悉破壞

一切皆落地

無有能還者

若佛續說此

經典無遺餘

能破煩惱魔

陰魔及死魔

令其勢力喪

一切無有殘

以聞諸法空

魔力遂羸損

得於無我智

死魔則退散

悟法性空故

更不受後者

尔時波旬復說偈言

善哉勤精進

無上之大龍

我今與眷屬

悉受無量苦

惟願慈悲顏

矜愍見慰喻

我今緣是因

不入於死門

尔時如來即為波旬而說偈言

波旬汝眷屬

若欲脫死門

應於此經典

深生信淨心 一切世間中 少有能信者

是故汝今應 信受奉行之

尔時波旬聞是偈已歡喜踊躍忽然不現佛  
說經已大德舍利弗及所問比丘并餘比丘  
比丘尼優婆塞優婆夷一切大衆天龍鬼神  
人非人等聞佛所說莫不歡喜讚言善哉作  
禮而去

諸法勇王經

壹

諸法勇王經

鼈

并減反

膩吒

上反

又竹家反

剌

音替

搏如

徒反



